

*Acanthocinus.*

4. *A. carinulatus* est *Astynomus* idem.

*Exocentrus.*

1. *E. balteatus.*

*E. Faldermanni* m. in lit. Prope Smejeff et Barnaul.

*Monochamus.*

Lege *Monohammus.*

*Dorcadion.*

4. *D. Brandtii* m.

Nigrum, dense albo-tomentosum, antennis albo-annulatis, elytris ovatis, fornicatis, sutura costisque 3 abbreviatis, nigris.

Long.  $8\frac{1}{2}$ — $9\frac{1}{2}$  lin. lat.  $3\frac{1}{2}$ —4 lin.

Statura *D. carinati*; elegantissima species, affinis *D. ornato* Fald; at elytrorum forma, sutura nigra, costis abbreviatis et c. diversa. Caput magnum, tomentosum, deflexum, antice quadratum; vertice rotundato, profunde sparsim punctato, medio lineolato, striis 3 denudatis, nigris, intermedia angusta, lateralibus latis; fronte inter antennas profunde excavata, linea media et 2 lateralibus ante oculos impressis, margine antico subsinuato, albo-ciliato, labro cordiformi, flavo-ciliato, mandibulis crassis, apice denudatis, nigris. Oculi depressi, fuscii, antennas ambientes, medio angustati, infra latiores. Antennæ longitudine corporis, articulis basali et apicali nigris,

parum tomentosus, ceteris dimidiato-albo-nigroque annulatis. Thorax transverso-quadratus, antice et postice subarcuatus, lateribus dilatatus et spina valida, reflexa armatus; supra convexus, inæqualis, rugosus, albo-nigroque varius, antice et postice transversim impressus. Scutellum rotundatum, albo-tomentosum, medio nigrum. Elytra thorace  $3\frac{1}{2}$  longiora, basi truncata, humero prominulo, lateribus, ad medium usque dilatata, ultra medium angustata, apice singulatim rotundata; supra convexa, pone humerum oblique impressa, disco fornicata, ad basin et apicem declivia, dense læte albo-squamosa, sutura ad apicem usque, carinis 3 et extremo margine denudatis, parce punctatis, nigris, nitidis; carina suturali et intermedia rectis, marginali obliqua, secunda brevissima, tertia prima paulo longiore. Corpus et pedes subtus tomento læte albo tecti. Pedes longiusculi, validi, femoribus posticis subarcuatis; tibiæ margine (præsertim intermediarum, quæ tuberculo medii armata) a medio ad apicem usque tarsisque flavo spongiosis et albo sub-pilosis.

Frequentat vias ad fl. Bekun et Kurtschum in vicinis l. Nor-Saisan.

*Saperda.*

- |                              |                 |
|------------------------------|-----------------|
| 7. <i>S. depressa</i> m.     | } Obereæ eadem. |
| 9. <i>S. cincta</i> Fisch.   |                 |
| 17. <i>S. luteicollis</i> m. |                 |